


古今姓氏書辨證

附校勘記

六



古今姓氏辨證

附校勘記

(六)

鄧名世撰

古今姓氏書辯證卷三十五

入聲

一屋

屋

後魏官氏志屋引氏改爲屋氏。

穀

春秋穀伯綏之後國在南鄉筑陽縣北唐時爲均州子孫以國爲氏。

谷

唐有馬璘大將谷秀河南谷氏後魏谷會氏改焉熙寧姓纂魏昌樂谷氏唐諫議大夫弘文館學士谷那共孫倚相爲祕書省正字生崇儀右金吾衛大將軍生從政。

禿

國語祝融後八姓一曰禿封於舟周人滅之。

藏○案此條原本次麴氏後依廣韻移正。

姓苑曰。竟陵人。

角
音祿

見呂靜集韻。四皓有角里先生。有角氏亦爲角里氏。謹按。崔嵬。僊肥鄉主簿時。太宗皇帝聞其有學問。召問曰。四皓中一先生姓。或以爲用上一撇。或以爲用上一點。嵬。僊對曰。秦程邈撰隸書訓僕。隸貴易使也。因此世傳之字。與古不同。臣聞刀有角。兩點爲角。音鹿。一點一撇。皆不成字。謹按說文。角。獸角也。象形。漢律歷志。角。觸也。物觸地而出。戴芒角也。又曰。角。音爵。詩麟之角。振振公族。東方朔傳。臣以爲龍。又無角。謂之爲蛇。又有足。董仲舒傳。予之齒者。去其角。傳其翼者。兩其足。朱雲傳。五鹿嶽嶽。朱雲折其角。太元一與木叶。一與辱叶。一與族叶。三與足叶。並盧谷切。本止一字。後世又作訖。岳切耳。嵬。僊之說非也。嶽。虞欲切。後漢有角若叔。

祿

河南祿氏。後魏骨咄祿氏改焉。唐涇陽有此姓。

鹿

戰國策有鹿毛壽。嘗說燕王噲遜位子之。漢有巴郡太守鹿旗。因家焉。望出巴郡。又官氏志。阿鹿桓。阿鹿孤氏。後改爲鹿氏。○案。今官氏志有阿鹿桓氏。後改爲鹿氏。無阿鹿孤氏。望出河南。赫連勃勃有東平將軍鹿奕子。南涼鹿曷。爲

文武之秀傑。宋陳州項城鹿氏。益州司戶參軍元昌。生正論。西頭供奉官。正論生經。經生敏求。字好古。紹聖元年進士。

泉

集韻曰。人姓。音錄。

鏃

姓苑曰。子木反。彭城人。亦作鉞。

鏃
音鏃

姓解曰。天口切。案鏃字。集韻作鉞。急就篇。鏃氏出彭城。

卜

風俗通曰。氏於事者。巫卜陶匠是也。春秋魯有大夫卜齋。魯莊公車右卜國。劉聰之臣有卜抽。卜崇。卜幹。卜泰。河南後魏須卜氏。改爲卜氏。唐開元中有處士卜隱之。

木

前燕壽光末。案慕容儼僭位。改元光壽。此誤。兵集鄴城。盜賊互起。每夜攻劫。晨昏斷行。捕誅賊首木骨和等百餘人。乃止。唐百濟大臣八姓。其一曰木氏。

沐

今詳說文。沐水在青州。然或以水氏。

福

唐突厥傳。武后遣將軍嵎夷公福順富爲總管。

幅

出姓苑。

伏

漢濟南伏生名勝。字子賤。四世孫孺。客於琅邪東武。因家焉。伏孺生理。字君游。爲高密太守。以詩授成帝。故齊詩有伏氏學。理生大司徒陽都侯湛。字惠公。湛生隆。翁咸。隆字伯文。光祿大夫。子瑗爲郎中。翁生光。光生晨。位特進。生屯騎校尉無忌。采集古今爲伏侯注八卷。無忌生大司農質。質生完。皆賜爵陽都侯。自伏生以後。世傳經學。清淨無競。故東州號爲伏不鬪。湛同產兄弟恭。字叔齊。爲司空。洛陽伏氏子成。爲晉平北將軍。姚襄左部帥。

復

漢年表有昆侯復彛。案。漢功臣表作昆侯渠復彛。

服

周內史叔服之後。以字爲氏。漢江夏太守服徹。後漢九江太守服虔。注漢書。舊望江夏。

洧

漢東海洧仲翁。爲宣帝師。服虔曰。洧音馥。師古曰。房福反。

縮

古今人表有縮高。安陵人。能辭大位。以全父子之義。

陸

出自嬌姓。田完裔孫齊宣王少子通。字季達。○案唐世系表作季達。封於平原般縣陸鄉。卽陸終故地。因以氏焉。

通諡曰元侯。生恭侯發。爲齊上大夫。發二子。萬。皐。皐生邕。邕生漢太中大夫賈。萬生烈。字伯元。吳令豫

章都尉。旣卒。吳人思之。迎其喪葬於胥屏亭。子孫遂爲吳郡吳縣人。其後有潁川枝。荊州枝。丹徒枝。樂

安枝。魚圻枝。諫議枝。侍郎枝。世系具唐宰相表。謹按。吳陸氏三相。五侯。將軍十餘人。又吳郡陸英子玩。

玩子始。始子萬載。萬載子子眞。五世爲侍中。又南齊陸慧遠。慧徹。慧曉。慧恭。案唐世系表慧俱作惠。皆子眞之子。

房望最高。時人稱非四慧之子孫。不得稱望族也。後魏大將軍河南陸捶。封惠平王。子麗。封平原王。子

定國。封東都王。陸氏三世封王。唐初定河南陸氏。舊在乙門。唐陸元方與子象先。景融。子禹錫。翹。三世

皆爲中書舍人。

麴

西涼有右丞相麴景。後蜀李特以麴歆爲爪牙。南燕司空麴仲。南涼記室監麴梁明。又有麴承明爲文武之秀傑。

淑

前燕咸和九年。慕容皝遣揚威將軍淑虞攻烏丸悉羅侯於平岡。斬之。

育

集韻曰。姓也。亦作毓。

祝

河南祝氏。魏吐岳氏改爲祝氏。

叔

元和姓纂曰。八凱叔達之後。或晉大夫叔向後。誤矣。謹按春秋。叔氏出自姬姓。魯文公少子曰叔肸。宣公篡立。叔肸不義其兄所爲。終身不食其祿。別其族爲叔氏。春秋書公弟叔肸者是也。肸生嬰齊。嬰齊生叔老。老生弓。弓生輒。輒生鞅。鞅生誼。誼生還。還生青。青生世。世魯爲大夫。河南叔氏。後獻帝叔父。

乙旃氏之後改焉。

菽

西域天竺人姓。

畜

出自非子之後。畜牧汧渭之間。馬大蕃息。支孫氏焉。

鄯許六切

出自楚大夫。雍子奔晉。晉人與之鄯。以爲謀主。因以邑爲氏。漢有東海太守鄯熙。因官居焉。今望出東海。

竹

謹按後漢史夜郎竹王。初有女子浣於遯水。有三節大竹。流入足間。聞其中有號聲。剖竹視之。得一男兒。歸而養之。及長。有才。自立爲夜郎侯。以竹爲姓。武帝元鼎六年。平南夷爲牂牁郡。夜郎侯迎降。天子賜其王印綬。後遂殺之。夷獠咸以竹王非血氣所生。甚重之。求爲立後。牂牁太守吳霸以聞。天子乃封其三子爲侯。死。配食其父。今夜郎王有竹王三郎神是也。

竺

東莞竺氏。後漢擬陽侯竹晏之後。報怨有仇。以其仇爲名士。○案。此六字疑有誤。廣韻作以謂始名賢。不改其姓。乃加二字。以存夷齊。而移於瑯邪莒縣。其孫竺固。爲後漢侍中。至晉竺毅。自莒縣徙居始平。元和姓纂曰。本天竺胡人。歸中國爲竺氏。誤矣。

郁

後趙有索頭郁鞠。率衆三萬降石虎。

肅

韻譜曰。八元仲堪。諡肅。後世爲氏。或云肅慎氏之後。元和姓纂曰。成肅公之後。梁有西豐侯肅正德。皆誤矣。正德姓簫。非肅氏。

宿

魏王珪妻以宗女。拜上將軍。賜姓宿氏。○案。此當有脫文。

玉

謝承書曰。京兆杜陵人。世爲三輔名族。玉姓也。

風

出姓苑。集韻音宿。

睦

西胡人姓。唐初有涼州胡睦伽佗爲寇。

繆音木

秦繆公之後。以諡爲氏。或作穆。魏志繆襲字熙伯。繆生之後。爲尙書郎。晉有繆播。官中書令。前燕有繆愷。蘭陵人。後漢中牟人繆彤。字豫公。

穆

宋穆宗宗子觀。觀子壽。壽子平國。平國子熊。五世襲宜都王。號五王穆氏。又穆觀及子亮。亮子紹。紹子正國。正國子平城。五世皆尙公主。又壽及子平國。平國子伏干。伏干弟熊。三世尙六公主。又崇子觀。觀子壽。並爲太尉。凡三世三公。

屋廬

孟子有屋廬子。元和姓纂曰。晉賢人屋廬子。著書言彭聃之法。蓋廬誤爲盧也。

屋南

元和姓纂曰。代北複姓。謹按。此必無南氏。誤無爲屋。案。代北複姓無南氏。疑或公南社南氏之訛。

屋引

出自房氏。晉初有房乾，本出清河，使北虜，留不遣。虜俗謂房爲屋引，因改爲屋引氏。乾子孫隨魏南遷，復舊氏。而河南猶有屋引氏，乞伏國仁以屋引出支爲右相，其後有屋引阿洛者，泄乞伏乾歸之謀於利鹿孤，又鎮西將軍屋引破光爲河州牧，唐雲麾將軍屋引宏，生統軍豐，豐生渭南郡公封。

獨孤

其先本姓劉氏，當後漢北蕃右賢王劉去卑之先，尙漢公主，因從母姓劉氏。後魏在北三十六部有伏留屯，爲大人，居於雲中，和平中以貴人子弟鎮川，因家焉。伏留屯之後有俟尼生庫者，後魏司空，生信，河南洛陽人。周太宗伯衛公獨孤，信本名如影，唐贈太尉趙景公，生羅、善、穆、藏、順、隋、宗、整，長女周明帝皇后，第二女唐元貞皇后，生高祖，第四女隋文章獻皇后，生煬帝。羅，隋封蜀公，生開明、開遠、開徹、武、開明、祕書少監，生璡，金部郎中，開遠，邢州刺史，永平公，開徹，左衛將軍，考城公，生元哲、元同、敬同、元哲、兵部員外，元同，主客郎中，昌淄州刺史，孫允，主客郎中，陳州刺史，生方臯、方平、方平生邁、敬同、博州刺史，善，隋河內公，孫暎，司勳郎中，洛州長史，生志儉，郎州刺史，暎，孫肅，先肅，比部郎中，光祿卿，先，絳州刺史，藏，隋金州刺史，武平公，生機，機生修法，修本，修德，修德，膳部郎中，同州刺史，滕公，孫慶，右武將軍，修法，通州刺史，修本，生訥，桂州都督，生扎本，兄子，諶，駙馬，淄州刺史，順武成公，生安成，殿中少監，生賢意，賢意，生慶之，左武衛將軍，生克忠，漢州刺史，隋，隋開喜公，生延壽，太常少卿，新蔡公，生道節，兵部郎中，節。

生炫都官郎中整。隋平鄉公。生懷恩。唐工部尚書臨川王。永嘉房。後魏本迴紇之後。本姓劉氏。代居雲

中正五代孫冀。案獨孤氏。唐世系表云。出自漢光武帝沛獻王輔之後。裔孫進伯。敗沒匈奴。囚之孤山下。生戶

利。單子以爲谷蠡王。號獨孤部。六世孫羅辰。從後魏孝文帝洛陽。羅辰四世孫冀。武安公。此云

本迴紇之後。未詳。且冀五世祖名脊。通志說同。武安公。生業。案唐世系表。北齊司徒臨川王周大司寇襄州總管。生

子潛。案唐世系表。周儀同。案唐世系表。生義恭。義盛。義順。義盛生士約。士約孫冉。案唐世系表。冉作册

唐書作戶部郎中弟恩。生華。兵部郎中義順。唐兵部侍郎左丞。案唐世系表。義順。虞洛陽公。生元愷。

元慄。元慶。元愷。給事中。生思莊。左金吾大將軍。思行。洋州刺史。元慄曾孫明。駙馬都尉。元慶生。思。案唐

表。陳作鄆令。生賓庭。含章。易知。通理。通濟。案唐世系賓庭。左金吾兵曹。案唐世系生問俗。鄂州刺

史。團練觀察。生勉。助。勸。勉。揚子令。助。太子舍人。生申叔。遐叔。申叔。校書郎。通理殿中侍御史。潁州長

史。生汜。巨。及丕。汜。陸州刺史。巨。左。案唐世系表。唐世驍衛兵曹。及常州刺史。生朗。郁。朗。協律郎。郁。考功員外中

書舍人。案唐世系表。郁生庠。通濟導江丞。生懷。恂。恂。左司郎中。生寂。寔。寔。殿中御史。寂。進士。密。海

州。案唐世系表。唐世刺史。生蒙。雲。霖。雲。吏部侍郎。東川節度。生回。損。霖。祕書監。義順兄叔德。孫楷。萬年丞。案

唐世系表。楷。潁川郡長史。生嶼。峻。案唐世系表。嶼。兼侍御史。峻。浙東節度右金吾大將軍。京兆。隋書獨孤

楷傳云。不知何許人。姓李氏。父屯。從齊神武戰於沙苑。敗。爲柱國獨孤信所擒。配爲士伍。賜姓獨孤氏。

後居京兆。楷弟盛。楷。隋并州總管汝陽郡公。生凌雲。平雲。滕雲。卿雲。彥雲。平雲。千牛將軍安。工公。彥雲。

歷陽公滕雲、荊府長史廣武公生奉節、生琬、炎、琬、太僕卿。開元中，上表請改姓李氏，名備、炎、司勳、郎中、卿雲、右屯衛大將軍汝歸公。生元節、元節生祥之、瓊、珍、瑒、祥之、左羽林將軍、珍生楚、穎、彥、卓、楚生良矩、矩生輔、穎生良佐、良弓、良器、良弼、良史、良儒、良器、通州刺史、良弼、兼御史中丞、良史生瑋、進士、復姓李氏、彥生良裔、卓、少府監、生惠、慤、愿、恕、意、怱、慤生志、楷、弟盛。隋右屯衛將軍紀公、生僧達、僧達生守中、唐右金吾大將軍。案：此條永樂大典原載爲元和姓纂之語。然中引獨孤損乃昭宗時相，豈可入元和時書。且與通志所引姓纂不合。今改爲古今姓氏辨證。而以通志中所引姓纂文，錄入元和姓纂。

谷會

慕容農有部將谷會歸，農欲殺歸而惜其勇力。後魏官氏志：河南谷會氏改爲谷氏。○案：今官氏志無此文。

谷渾

孔至雜錄曰：後魏改姓渾。

谷那

唐有博士谷那律。

斛律

齊丞相咸陽王斛律金，唐有郎中斛律貽慶。

斛穀

南燕慕容超遣將斛穀提、公孫歸、寇宿豫、陷之。執東平太守劉千載、濟陰太守徐阮、大掠而去。以功並封爲郡縣公。

斛粟

孔至姓氏曰：代北斛粟氏，後改爲斛斯氏。

斛斯

或云本代北斛粟氏改焉。後魏有刺史斛斯正。

禿髮

出自後魏拓拔氏之族曰匹孤，率其部自塞北遷河西鮮卑部。其妻胡掖氏方娠，因寢而生子壽闐，於被中鮮卑謂被爲禿髮，因以爲壽闐氏。壽闐玄孫樹機能，始據涼州，爲晉將馬隆所殺。從弟務九統其部衆，務九孫推斤，年一百一十，生思復讎、素渥若留、思復讎三子：烏孤、利鹿孤、傉檀。烏孤爲呂光征南大將軍，益州牧、左賢王。隆安元年，自稱南單于，南涼國王。在位三年，諡曰武。廟號烈祖。弟利鹿孤立，在位三年，諡曰康王。弟傉檀立，在位十三年而國亡。西秦熾磐封爲左南公，諡曰景王。其從弟替引，鎮領南洛，回鎮廉州。利鹿孤諸弟曰鎮北將軍俱延、興城侯文支。又一弟曰吐雷烏孤，子曰西平太守赴單。傉檀死於乞伏氏，其族歸魏。傉檀六子，長曰武臺，爲太子。乞伏氏殺之。次曰保周，臘于破羌。魏以保周

爲張掖王。破羌爲西平公。以俱延之子覆隆爲酒泉公。利鹿孤之子副周爲永平公。烏孤孫承鉢爲昌松公。僭檀長兄子樊屺安西將軍。又索虜禿髮如荀。率戶二萬降。乞伏乾歸。乾歸妻以宗女。

祿里

神仙傳有祿里先生。祿卽用也。蓋字誤。

鹿勃

燕慕容雋擊破鄧恆將鹿勃。早於魯口。早僅以身免。

卜梁○案。此條原本次木易氏後。依廣韻移正。

姓解曰。楚文王子食采諸梁。爲卜梁氏。莊子有卜梁倚。

木易

後魏木易千爲多蘭部帥。

沐蘭

蘭或爲簡。姓苑云。任城人。

福子

元和姓纂曰。齊大夫福子丹。見國語。誤矣。謹按。國語無此人也。

伏俟

出自風姓。伏羲之後，以號爲氏。漢濟南伏生，名勝，字子賤，四世孫。儒客教授琅邪東武，因家焉。儒生理，字君游，爲高密太守，以詩授成帝。故齊詩有伏氏學。理生大司徒陽都侯湛，字惠公。湛生隆，翁咸。隆字伯文，光祿大夫。子瑗，爲郎中。翁生光，光生晨，位特進。生屯騎校尉無忌，采集古今爲伏侯注八卷。無忌生大司農質，質生完，皆賜爵陽都侯。自伏生以後，世傳經學，清淨無競。故東州號爲伏不鬪。湛同產兄弟恭，字叔齊，爲司空。洛陽伏氏，子成，爲晉北平將軍。姚襄左部帥。按：伏俟註：與前伏字註俱同。並無伏俟得姓解釋，恐誤。

陸終

元和姓纂曰：祝融子陸終之後有陸終氏。又曰：王莽曾孫孺興，與東平陸終氏有惡。謹按：古有陵終氏，然陵陸偏旁相近，必陸訛而爲陵也。

祝

元和姓纂曰：衛祝固之後，漢有侍御史祝固遙。

叔孫

出自姬姓。魯桓公第三子叔牙，諡僖叔，立其後爲叔孫氏。僖叔生戴伯茲，茲生莊叔得臣，得臣生宣伯僑如及穆叔豹。豹生昭子婁，世系具春秋人譜。又後魏十姓，獻帝叔父之後乙旃氏，改爲叔孫氏。